



Publicaziuns officialas dils 18-06-2021

Damondas da baghegiar

Nr. 86/2021

Datum da publicaziun: 18-06-2021

Patrun: Wenzin Paul, 7173 Surrein

Liug e parcelas: Surrein-Via Plazzas; 1222

Object: nova casetta da curtin sin balcon

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 87/2021

Cathomas Martin, 7173 Surrein; meglierar il vau dil dutg sin parcella nr. 6751 a Surrein-Val.

Nr. 88/2021

Damiano Giocondo, 7172 Rabijs; remplazzar ina finiastra e montar ina stora da sulegl vid il baghetg nr. 691B sin parcella nr. 265 a Rabijs-Via Sutvitg.

Nr. 89/2021

Deplazes Martina, 7173 Surrein; remplazzar la construcziun da lenn dallas duas preits da giebel cun quaders da preit vid il baghetg nr. 401 sin parcella nr. 5234 a Surrein-Bogn Tenigia.

Sumvitg, 18-06-2021

Cumissiun da baghegiar

Nr. 83/2021

Duff Marcus, 7176 Cumpadials; lavur da manteniment vid la via da meglieraziun nr. 67 sin parcella nr. 8044 a Laus-Bostg.

Nr. 85/2021

Repower AG, 7130 Glion; construcziun d'in niev tumbin avon staziun da transformaziun en via communal sin parcella nr. 3857 a Sumvitg-Clavadi.

Sumvitg, 18-06-2021

Cumissiun da baghegiar

REFERENDUM FACULTATIV

La radunanza communal da dils 15 da zercladur 2021 ha priu denter auter il suadont conclus:

- *Tractaziun ed approvaziun dil project sanaziun via da quartier a Surrein-Plazzas e concessiun dil credit brut da 127'000 francs*

Sura conclus ein suttoposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 08-07-2021. Il referendum sa buca vegnir retratgs.

Sumvitg, 18-06-2021

Suprastonza communal Sumvitg

Sanaziun dalla Via Plazzas a Surrein

Introducziun dalla procedura da perimeter

Sebasond sin la lescha da perimeter dalla vischnaunca da Sumvitg e sin l'ordinaziun davart la planisaziun dil territori pil cantun Grischun ha la suprastonza communal decidiu en sia seduta dils 12-04-2021 l'introducziun dalla procedura da perimeter per la suranumnada sanaziun. L'interessenza publica ei vegnida fixada sebasond sin art. 6 al. 2 dalla lescha da perimeter e sil plan general d'avertura traffic per Sumvitg sco suonda:

1. part: via da rimnada 70 %
2. part: via d'avertura 40 %

Il territori cumpeglia las parcelas

743	744	745	746	747	749	753	754	755
756	1220	1222	3917	4789	4790	5180		

La cumpart procentuala vid ils cuosts che croda a mintga singul proprietari ei vegnida calculada provisoricamein e communicada ensemen cul conclus da perimeter.

Il plan da perimeter ei exponius ella scaffa d'informaziun avon canzlia communal e sin nossa pagina d'internet www.sumvitg.ch per investa.

Encunter il conclus dall'introducziun dalla procedura da perimeter cun las essenzialias da quel sa vegnir fatg protesta enteifer 30 dis dapi questa publicaziun a scret e motivau tier la suprastonza communal.

Sumvitg, 18-06-2021

Suprastonza communal

Communicaziun dalla suprastonza communal

Vicepresident communal per 2021/2022

La suprastonza communal ha elegiu tenor art. 39 dalla constituziun communal en sia seduta dils 14-06-2021 genau Robert Candinas sco vicepresident communal pigl onn da gestiun 2021/2022.

Sumvitg, 18-06-2021

Suprastonza communal

Scamond da luvrar las dumengias ed ils firaus

Adina puspei ei la suprastonza communal confruntada cun reclamaziuns pertuccont il luvrar la dumengia. La protecziun dilis dis da ruaus publics vegn reglada ella lescha davart ils dis da ruaus publics dil cantun Grischun. Las lavurs ch'ei lubidas ils dis da ruaus ein descrettas egl art. 4 dalla lescha numnada. Las davosas jamnas han oravontut las lavurs d'agricultura procurau per discussiuns. Nus appellein perquei instantamein nossas puras e nos purs d'exequir dumengias e firaus sulettamein lavurs per perver ils animals ni sch'ei exista il prighel che la raccolta vegni lavagada. Plinavon supplichein nus medemamein ils ulteriurs convischins da risguardar la lescha davart ils dis da ruaus publics.

Nus supplichein per Vossa capientscha.

Sumvitg, 18-06-2021

Suprastonza communal

Lavurs Via Val

Naven dilis 21 da zercladur entochen ils 25 da zercladur 2021 vegn la greppa e las plauncas sper la Via Val schubergiadadas en favur dalla segirtad dalla via. Duront quei temps sto vegnir quintau cun impediments temporars per il traffic.

Nus supplichein per enconuschientscha e capientscha.

Sumvitg, 18-06-2021

Departament traffic

Devoziun da finiziu

A Rabius, venderdis, ils 18-6-2021, allas 14.00

La devoziun da finiziu ha liug en casa da scola, e quei senza preschientscha dilis geniturs.

Avon la devoziun curseschan ils bus 15 minutas pli tard che usitau. Suenter la devoziun spetgan ils bus sin plaz scola per transportar las scolaras ed ils scolars ellas vacanzas.

A Trun, venderdis, ils 18-6-2021, allas 14.15

La devoziun da finiziu ha liug el Center communal. Sulettamein ils geniturs dallas scolaras e dilis scolars dalla 3. superiura astgan prender part dalla devoziun. Ils transports curseschan tenor urari usitau. Nus giavischein a Vus bialas ed emperneivlas vacanzas da stad.

Sumvitg, 18-06-2021

Consorti da scola Sumvitg-Trun